

欽定大清會典事例

欽定大清會典事例卷九百四十八

工部

陵寢動用錢糧

支領祭物

栽種儀樹

動用錢糧○舊例歲咨工部陸續給發每具領以五百兩為則留存馬蘭鎮永濟庫凡遇奇零工程及祭饗辦運器用均呈報承辦事務衙門動支存庫銀及時備辦事竣呈報覈銷不敷備用再請給發如工程稍大者報部別行覈給○康熙八年題准凡有應修之處不拘年分由部具題交禮部選擇吉日即行修理○乾隆十八

年覆准。

陵寢風水圍牆以及水洞柵欄鐵樁等項如有應修由馬蘭泰甯二鎮察報。

陵寢工部郎中呈明承辦事務衙門委官會同勘實咨部覈覆非係歲修由部酌給興舉仍令該鎮委監修官隨工查驗工竣造冊出結報部覈銷。

二十一年

諭

陵寢妥脩

先靈襄事人員理宜有所專屬向來在

陵辦事司官。皆由在京司官內論俸升用。其總理事務之貝勒等。既非本部堂官。而在京堂官。又相距路遠。無從稽察。遇有應修工程。雖照例委官查估。究未能覈實妥確。殊非敬事之道。其如何俾有專屬。及應修大小各工。如何稽察考覈。以昭慎重之處。著該部詳議具奏。欽此。遵

旨議定。

陵寢工部司官。從前原屬在京工部。自乾隆五年。將石門郎中等官。歸併貝勒等管轄。是以遇有應修大小各工。均由該貝勒等。委該處工部司官估

修所需錢糧向不具奏均咨在京工部辦理嗣後

陵寢工部司官仍歸在京工部管轄但該處司官原由各衙門內司官論俸升補多有不諳工程者如遇奇零黏補工程

陵寢重地亦未便不時興作應於每年十月內令該貝勒等通行查勘將實在應修之處彙總具奏由部委諳練工程司官前往會同該處官員詳查果係應修者即行確估由部覈給錢糧委部員前往會同該處司官修理仍令該貝勒等不時

稽察。統俟工竣報部。由部別委司官。按例覈算。造冊奏銷。僅遇必需。即行修理之工。亦令該員。勒等隨時具奏。照此辦理。再

東陵

西陵向例。由部支領備用銀。自五百兩。以至二三千兩。不等。以為祭祀及歲修之用。嗣後毋庸豫行支給。至每年清明中元冬至歲暮祭祀。並修理器皿等項。必需之銀。仍令該總理等先期分案咨部覈給。由部入於月摺奏

聞。○二十九年奏

東陵

西陵歲修工程奉

旨該部侍郎理應親往查看。如果有應行修理之處。詳細查明。再派司員敬謹修理。○四十五年奏准。

陵寢風水園牆遇有坍塌。隨時查明咨部。飭令歲修司員。即行修理。報部覈銷。○嘉慶五年奏准。嗣後

陵寢歲修。於每年十月間奏請。

欽派工部侍郎一員。率同司員前往詳細估勘。所有應修之處。就近交

陵寢工部司員。敬謹辦理。由

陵寢該管大臣董率稽查以專責成而歸簡易所需錢糧仍由工部支領至本年修竣各工即交

欽派侍郎一併查收報部題銷○道光十四年

諭奕經等奏將敬查水道情形並勘估各工分別應修應緩開單呈覽

永陵柳林內草倉河因本年山水陡發河身淤塞長八十丈自應挑挖深通速歸故道又下馬牌南

明堂圓脊下衝出水溝一道長一百八十丈亦應一體墊平著欽天監於明歲春間選擇吉期一面挑挖一面墊平務於春水漲發以前迅速歲事以復舊規又

曹家屯前一帶泊岸御路經過之處。衝刷一段。計長七十丈。著於曹家屯後改修。其泊岸工程。著即暫緩一二年。俟明歲夏秋盛漲之後。察看情形。奏明辦理。至

陵西泊岸間段衝刷。共一百六十丈。情形較輕。著工部於歲修時。加意鑲護。

永陵

啟運門正脊。向南歪閃。

西配殿檐頭周圍滲漏。著於明歲一律辦理。

福陵

隆恩殿三間頭停滲漏。西間後坡爪柱亦有沈墜情形。著即照估興修。至

永陵方城西北角城身並

福陵二柱門西邊石望柱及欄杆石花版石海墁等工。情形尚輕。均著緩修。應修工程除

永陵

西配殿外。餘均與本年方向不宜。著欽天監於明歲春間。敬謹選擇吉期。次第修理。所有各項工程。著工部覈算錢糧後。奏請欽派大臣前往敬謹承修。其所需琉璃甃瓦等項。該將軍等飭令各該處。務於今冬趕

運工次所需木植砍工運腳等項銀兩。即在盛京戶部動用工竣覈實報銷。○咸豐二年

諭。前據慶錫奏請勘

陵寢河道酌擬疏通一摺。茲派陸應穀敬謹履勘。奏稱均係應行疏濬之工。著即派慶錫敬謹承修。所需銀兩。准其在撙節歸公項下動支辦理。○又

諭。慶錫奏恭挑

東陵河道工程完竣。請申明舊例等語。

陵寢河道風水攸關。理宜疏暢。現據奏稱河道一律挑挖。衆水暢流。嗣後仍應遵照舊例辦理。

陵寢遠近各河道著責令內務府禮部並鎮標弁兵於每年秋末冬初敬謹清理仍著該總兵於年終奏報一次並著自本年為始准其在搏節歸公項下由永濟庫動支銀二百兩分賞出力兵役以示體恤○又諭慶錫奏籌議安裝涵洞柵木一摺

東陵風水圍牆南面涵洞應安木柵改為木樁所需工料著准其在修辦河道繳回銀兩項下覈實動用所需木料著在本年海樹回乾木內選用此項工程著免其造冊報銷○同治十年

諭恩承等奏會勘

永陵河工。按照原估應修處所。量為增改。開單呈覽一摺。

永陵草倉蘇子二河各工。既據奏稱按照原估做法。相度現在形勢。量為增改。可保盛漲衝淘等語。均著照所擬妥籌辦理。其應行增挖引河一道。攔水壩二道。並著一律興辦。恩承溫葆深都興阿務當悉心會商。認真經理。以期工堪經久。餉不虛糜。其續行添改工程。估計尚不敷銀七千九百餘兩。現赴盛京戶部先行支領銀二千兩。其餘銀兩。工竣再行找領。即著照所請行。○光緒七年

諭工部奏修理

陵工請照向章辦理等語向來

東陵

西陵遇有異常緊要工程原准隨時奏報專案辦理近來該管大臣於奏報歲修另案工程時復添入專案急修等工殊與向章未符該大臣如遇異常緊要工程仍著隨時專摺奏請估修其餘一概併入另案不得於奏報歲修另案工程時列入專案等項名目以歸畫一○八年

諭工部奏急修工程與案未符據實陳明一摺

陵寢自宜恪遵舊制。上年十一月曾經諭令該管大臣等。如遇有異常緊要工程。隨時專摺奏請估修。其餘一概併入另案。不得於奏報歲修另案時列入專案等項名目。乃本年毓橐等又復專報急修工程。與向章實有不符。嗣後著該管大臣等。懍遵前旨。如遇夏秋大雨。殿座滲漏。准其奏請急修。其餘各工。概歸另案辦理。再

隆恩殿內。凡有工作。例應敬請

神牌。安奉於

東配殿。如非要工。豈容輕瀆。嗣後龕座等處。非有萬不

可緩情形。不准率請修理。以昭嚴敬。○又奏准。

東陵歲修工運銀。不得逾九百兩。由永濟庫領。

西陵歲修工運銀。不得逾八百兩。由節慎庫領。

支領祭物。○原定。凡四時祭饗所用紙張顏料。
緞紬布疋等項。均咨工部覆准。行文戶部。由承
辦事務衙門。出具文領。委員換給工部印領。前
赴戶部支領成造。

栽種儀樹。○原定。委官監種。限以三年。限內乾
枯者。監種官自行補足。限外者。由部覈給錢糧
補種。○康熙三十三年覆准。

陵寢栽樹每間二丈種樹一株。○乾隆十三年奏准陵寢枯樹應行補栽。累年籠統造報。並無定例。嗣後以本年為始。如有枯樹。作為五年一次。由承辦事務衙門詳細覈明。應否補栽。分別具奏。由部給發錢糧。令該處內務府及工部官督令樹戶揀選栽種。至

隆恩門以後及兩旁樹株毗近

寶城圍牆。屢行栽種。有關風水。嗣後如有枯樹。遞年別行註冊。期滿五年。將所記之數。分別奏請辦理。○二十四年奏准。

東陵回乾木植。歲有餘騰。兼多長大材料。因須變價。以致匪徒指鮮為乾。偷賣弊由於此。嗣後無論大榦旁枝。俱令鋸短。劈作片柴。除供本年額需及存備次年接用。餘俱查交地方官變價。報明藩司。即於該州應領樹夫工食等項。照數扣除。其細碎分賞官員。仍照原議。至貼記回乾樹株。應令該管總兵。督率員弁開報。仍親往抽查。再每年薙草時。遠近邨民。均許放入。應由該州派勤幹員弁。在出入各門徑稽查。止許攜帶鐮刀。不得夾入斧鋸。私藏夾帶者。交官究訊。○二十五

年

諭

陵寢樹株稀疏處。照例補栽。其稠密之處。毋庸補栽。

二十八年

諭

陵寢松柏樹株。春季栽種。不如冬季栽種為妥。下雪後。將樹根周圍以雪培之。則新種之樹易長。所有應種樹株。即於冬季栽種。三十年奉

旨。

陵寢儀樹。關係重大。必須專派大員經理。以昭慎重。至

樹株定例限內回乾者著落原栽之員賠補。但伊等每以細小樹株補栽充數。多不能生活繁茂。相沿日久。幾至有名無實。蓋由向來雖有三年保固之例。並未計及限內賠種。果否長成。亦不查覈所栽樹株圍尺。是否如式。則一屆限外。既可希圖謝責。而限內補種率皆視為具文。殊非敬謹之道。嗣後回乾補種之樹。應行保固三年者。務覈其實能成活。始准報銷。亦不得聽其以小樹搪塞。儻有仍前因循草率者。惟派出之該總管是問。○三十五年議准。

陵寢樹戶。嗣後於冬季種樹時。每名辦交十株。不領錢。

糧其所種樹株如有回乾仍令照數補栽。三

十七年

諭

兩陵有應行歲修之處。例於年終彙奏。請派侍郎一員。前往查看。所有應行賠補栽種樹木。及不必賠補樹木。復行具奏。交部查覈。勢必不能親身查看。不過照原奏數目辦理。何能周詳。現年終派侍郎前往查看。著將各處栽種樹木。即交派出之大臣等。一併查辦。○又奏准

孝東陵下馬碑松樹一株。支架作為蟠龍松。○三十八

年

諭。據滿斗奏巡查風水圍牆內山樹儀樹俱皆茂盛。惟海樹疏密不等。請令該管之總兵照山樹之例。遇有回乾者。查明照數補栽。仍於年底彙總奏明。派工部大臣查驗覈銷等語。海樹一項。非山樹儀樹可比。且每歲俱有小樹萌生。日滋月益。易於繁茂。皆為海樹。即有回乾之樹。原可毋庸如數補栽。總當就此兩項相衡。以定補栽之準。若新生之樹多至五百株。而回乾僅三百株。則是新多於枯。止須視林內稀疏處。補植百餘株。仍屬有贏無絀。設或新樹少而回乾多。則

應為補植久之自更榮盛其事向係兵丁自行經理聽該總兵覈辦原不免漫無稽考但亦不必與山樹儀樹一律奏聞派工部堂官查驗嗣後著該總兵每年查明新樹若干回乾樹若干報知總理衙門即令就近查明會同該總兵酌量辦理○又奏准

陵寢樹株均係冬至後陸續補栽未能畫一妥協嗣後應於冬至前悉行栽種○四十二年奏准

秦陵

秦東陵樹戶每年共應交樹千株如照例補種外尚有餘樹每株照實在採買價值交銀二錢四分存

廣恩庫備用。○四十五年

諭。

孝陵隆恩門前蟠龍松一株。西南面回乾枝杈著刪去。其空缺處。另尋小蟠龍松一株。補此空隙。欽此。遵。

旨補種小蟠龍松一株。○四十六年奏准。

孝東陵三洞石橋西松樹一株。支架作為蟠龍松。○四

十八年奏准。

孝陵隆恩門前蟠龍松。西面又有回乾枝杈。仿照前次。刪去。補種小蟠龍松一株。○又奏准。

西陵樹戶。於補種儀樹外。所餘應交松樹一株。改令辦。

交雜樹五株。在儀樹外地面栽種。其折價交銀之例停止。○五十一年奏准。

西陵儀樹外。應添雜樹。由官採辦栽種。所有廣恩庫存儲銀兩。交易州知州發商生息。按年交納。為酌辦雜樹之用。○嘉慶十五年奉

旨。福長安奏

孝陵

景陵儀樹均已補栽整齊。所有前定各樹戶每年交樹十株之例。請行停止等語。

孝陵

景陵儀樹從前因該樹戶等栽種不善回乾過多樹行內多有空缺是以議令每名每年交樹十株以資添補現既全行補齊嗣後惟須於冬令前期查明各陵儀樹限內限外回乾並所補

孝陵

景陵樹株如再有回乾俱責令該樹戶等如數補栽另限保固外其從前議定每名每年交樹十株之處著自嘉慶十六年為始即行停止○道光十四年

諭據寶興等奏山水陡發

永陵

明堂前土隄泊岸上樹株衝倒數百棵。是否尚可扶植。抑或全應補種。著詳查具奏。欽此。遵。

旨覆奏。衝倒樹株已飭該地方官趕緊扶植。尚可無庸補種。○咸豐四年奏准。馬蘭鎮原存回乾木植。招商變價。○六年奏准。

陵寢重地。儀行樹株。三年限外。儀樹每千株回乾不及十株者免議。十株以上。該管官罰俸六月。三十株以上。罰俸一年。五十株以上。降一級留任。行樹每千株回乾不及五株者免議。五株以上。該管官罰俸六月。二十株以上。罰俸一年。三十株

以上。降一級留任。其儀樹每千株回乾至一百株以上。行樹每千株回乾至五十株以上。該管官均降一級調用。並將失察之該管大臣。罰俸一年。如有勤慎澆灌。千株內並無一株回乾者。係儀樹。准其紀錄一次。係行樹。准其紀錄二次。責令該大臣於年終彙報時。分析咨部辦理。儻經管人員以多報少。由該管大臣隨時指明。嚴叅。將捏報之員革職。係該管大臣查出奏叅者。免議。儻別經發覺。將該大臣照不應重公罪律。降二級留任。○七年

諭載容等奏請撥庫款澆灌樹株一摺。

西陵近日雨澤稀少。所有儀行各樹。自宜隨時灌溉。以期一律青葱。准其由廣恩庫長蘆項下。撥銀六百兩。分給各處。趕緊添雇夫工。勤加澆灌。○十年

諭存誠奏補栽樹株並籌款津貼一摺。

東陵伐除蟲齧回乾樹株。所有派撥餘丁飯食錢文。著准其由永濟庫租銀項下支領。銀二百兩。以資津貼。並准其在永濟庫租銀項下支銀一百兩。作為培灌之需。俟新栽小樹於限內成活後。即將培灌之銀停止。○同治四年議准。

陵寢樹株自同治五年分起栽種已屆三年限外。儀樹每千株回乾二十株。行樹每千株回乾十株者。免議二十株十株以上。分別議處。儀樹千株回乾至一成半。行樹千株回乾至一成。將澆灌不力之員。從重議處。失察之該管大臣。一併交部議處。如灌溉得力。每千株內無一回乾者。准予獎敘。○六年議准。自本年始。將回乾樹株圍徑件數冊報工部。伐除存內務府營房。由次年承修另案工程之大臣。量材取用。工竣所餘變價歸廣恩庫。○九年

翰志和等奏回乾樹株可否另招殷商變價抑仍解交易州工部存儲等語著工部妥議具奏欽此遵

旨議准除已運一萬三千二百餘株繳樹價五千串歸庫毋庸議外其已伐未運各樹仍照舊制運交易州工部存儲備用每年造冊送部交查勘歲修大臣查驗如有漏報捏報及偷竊作踐由該管大臣嚴叅

欽定大清會典事例卷九百四十九

工部

園寢墳塋

園寢規制

墳塋規制

園寢規制○

昭西陵貴人園寢。琉璃花門一座。廣一丈七尺四寸。縱七尺三寸。檐高一丈七尺五寸。前正中饗殿一座。廣四丈二尺五寸。縱一丈九尺三寸。檐高一丈六尺五寸。南有太門三。廣三丈八尺。縱二丈三尺。檐高一丈六尺五寸。東西廂各三間。廣三丈七尺五寸。縱二丈四尺三寸。檐高一丈二尺。

五寸。左右下馬椿二。圍牆周長七十一丈。高一丈二尺六寸。

景陵皇貴妃園寢。琉璃花門一座。廣一丈八尺二寸。縱八尺八寸。檐高一丈一尺。前正中饗殿一座。廣八丈二尺。縱四丈四尺五寸。檐高一丈三尺五寸。兩廡各五間。廣五丈五尺八寸。縱二丈四尺二寸。檐高一丈六尺二寸。東有燎鑪一座。廣九尺七寸。縱七尺。高七尺三寸。南有大門三。廣四丈七尺二寸。縱二丈八尺六寸。檐高一丈二尺六寸。門外左右設班房。東西廂各五間。廣五丈

五尺。縱二丈一尺五寸。檐高九尺二寸。前有一洞石橋一座。圍牆周長一百五十五丈。高一丈三尺。

妃園寢。琉璃花門一座。廣一丈八尺五寸。縱九尺六寸。檐高一丈二尺三寸。前正中饗殿一座。廣六丈七尺。縱三丈四尺。檐高一丈三尺。東有燎鑪一座。廣八尺七寸。縱六尺一寸。高七尺。南有大門三。廣三丈八尺五寸。縱二丈六尺五寸。檐高一丈一尺五寸。門外設左右班房。東西廂各五間。廣五丈一尺。縱一丈七尺。檐高九尺。前有

一洞石橋一座。圍牆周長一百五十五丈七尺。高一丈三尺。

泰陵皇貴妃園寢。琉璃花門一座。廣一丈九尺。縱九尺五寸。檐高一丈三尺。前正中饗殿一座。廣六丈。縱三丈四尺。檐高一丈三尺。東有燎鑪一座。廣九尺。縱六尺四寸。高六尺六寸。南有大門三。廣三丈八尺五寸。縱二丈六尺五寸。檐高一丈一尺五寸。門外設左右班房。東西廂各三間。廣三丈一尺。縱一丈七尺。檐高九尺。前有一洞石橋一座。圍牆周長一百三十丈九尺。高一丈五寸。

○ 裕陵皇貴妃園寢。琉璃花門二座。廣一丈八尺。縱九尺。檐高一丈一尺。正中饗殿一座。廣六丈七尺七寸。縱三丈五尺三寸。檐高一丈五尺二寸。兩廡各五間。廣五丈一尺五寸。縱二丈二尺四寸。檐高一丈三尺五寸。東有燎鑪一座。廣九尺三寸。縱六尺五寸。高八尺六寸。南正中大門三。廣三丈三尺八寸。縱二丈七尺二寸。檐高一丈三尺八寸。門外設左右班房。東西廂各五間。廣五丈一尺。縱一丈七尺三寸。檐高一丈。前有一洞石。

橋一座。圍牆周長一百三十丈六尺。高一丈四尺。

昌陵皇貴妃園寢。琉璃花門一座。廣一丈八尺。縱九尺。檐高二丈一尺三寸。前正中饗殿一座。廣六丈。縱三丈四尺。檐高一丈三尺。東有燎鑪一座。廣九尺六寸。縱六尺八寸。高七尺三寸。南有大門三。廣三丈八尺四寸。縱二丈。檐高一丈一尺五寸。門外設左右班房。東西廂各三間。廣三丈一尺。縱一丈七尺。檐高九尺。前有一洞石橋一座。圍牆周長一百四十五丈四尺。高一丈二尺。

定陵皇貴妃園寢琉璃花門一座。廣一丈九尺。縱六尺四寸。高稱之。東西卡子牆高一丈一尺。長十九丈。正中饗殿一座。廣七丈六尺。縱五丈二尺。檐高一丈八尺。東有燎鑪一座。廣九尺。縱六尺二寸。高九尺。南有大門三。廣四丈五尺。縱三丈一尺六寸。檐高一丈四尺。門外設左右班房各二間。東西廂各五間。前有一洞石橋一座。圍牆周長一百三十二丈。高一丈一尺五寸。○朱華山端慧皇太子園寢琉璃花門一座。廣一丈八尺四寸。縱八尺。檐高一丈二尺。前正中饗殿一座。廣

六丈五尺四寸。縱三丈四尺。檐高一丈四尺。兩廡各五間。廣四丈八尺。縱二丈四尺五寸。檐高一丈三尺五寸。東有燎鑪一座。廣九尺三寸。縱六尺六寸。高七尺。南有大門三。廣五丈一尺。縱二丈二尺。檐高一丈一尺五寸。門外設守護班房。東西廂各三間。廣三丈六尺七寸。縱二丈一尺七寸。檐高一丈二寸。圍牆周長一百三十丈二尺。高一丈一尺。

皇十二子園寢。琉璃花門一座。廣一丈五尺五寸。縱七尺一寸。檐高一丈一尺五寸。正中饗殿一

座。廣三丈八尺。縱二丈八尺二寸。檐高一丈一尺二寸。前有大門。廣一丈五尺二寸。縱一丈八尺。檐高一丈六寸。門外設守護班房。圍牆周長四十九丈。高九尺二寸。○丈營臺榮親王園寢。琉璃花門一座。廣一丈六尺二寸。縱六尺。檐高一丈八寸。正中饗殿一座。廣三丈八尺六寸。縱二丈六尺五寸。檐高一丈二尺。前有大門。廣三丈五尺。縱二丈一尺。檐高一丈一尺。門外設守護班房。東西廂各三間。廣三丈八尺六寸。縱二丈六尺五寸。檐高一丈二尺。圍牆周長五十二

丈六尺。高一丈。○朱華山理密親王園寢。琉璃花門一座。廣一丈八尺。縱八尺。檐高一丈四尺。東西卡子牆長九丈四尺。高一丈一尺。正中饗殿一座。廣六丈二尺。縱四丈一尺。檐高一丈七尺。前有大門。廣四丈五尺。縱二丈八尺。檐高一丈五尺。門外設守護班房。東西廂各三間。圍牆周長七十二丈。高一丈一尺。○張家莊端親王園寢。琉璃花門一座。廣一丈六尺。縱六尺。檐高一丈六寸。正中饗殿一座。廣三丈八尺。縱二丈五尺。檐高一丈二尺。前有大門。廣三丈四尺。縱

二丈。檐高一丈五寸。門外設守護班房。東西廂各三間。廣三丈一尺。縱一丈二尺。檐高一丈。圍牆周長五十一丈四尺。高一丈。○王家莊懷親王等園寢。規制與端親王園寢同。○梁各莊慧慈固倫公主園寢。正中饗殿一座。廣三丈一尺。縱一丈九尺。檐高一丈。南有大門。廣三丈一尺。縱一丈三尺。檐高九尺五寸。門外設守護班房。東西廂各三間。廣二丈八尺。縱一丈二尺。檐高九尺。圍牆周長五十二丈六尺八寸。高七尺三寸。○許家峪端嫺固倫公主園寢。正中饗殿一

座廣三丈五尺九寸。縱二丈九尺八寸。檐高一丈一尺三寸。南有大門。廣三丈五尺二寸。縱一丈九尺。門外設守護班房。東西廂各三間。圍牆周長九十一丈。高一丈三尺。○陳門莊端順。固倫公主園寢。正中餐廳一座。廣二丈一尺一寸。縱如之。檐高一丈二尺三寸。南有大門。廣一丈一尺九寸。縱一丈四尺四寸。檐高一丈二尺三寸。門外設守護班房。東西廂各二間。廣二丈。縱一丈二尺。檐高八尺五寸。圍牆周長三十二丈一尺。高一丈二尺三寸。○妙高峯

醇賢親王園寢。琉璃花門一座。廣一丈四尺。縱五尺二寸。檐高九尺八寸。東西卡子牆各長五丈三尺。高八尺。正中饗殿一座。五間。廣五丈三尺。縱二丈七尺。檐高一丈一尺五寸。饗殿前抱廈三間。廣三丈三尺。縱一丈五尺。檐高一丈一尺。北面燎鑪一座。廣九尺三寸。縱六尺五寸。檐高八尺六寸。大門一座。三間。廣三丈四尺。縱一丈六尺。檐高一丈。門外設守護班房。南北廂各三間。廣二丈八尺。縱一丈六尺。檐高八尺五寸。圍牆周長七十一丈九尺四寸。高八尺。黃色琉璃碑。

亭一座。四面各顯三間。廣二丈。縱高一丈三尺八寸。碑高九尺。廣四尺。龍首高四尺五寸。龜趺高稱之。碑文內恭書。

皇帝御名。

墳塋規制。原定親王饗堂五間。門三。飾硃紅油。繪五綵金花。茶飯房左右各三間。碑亭一座。圍牆百丈。守冢人十戶。世子郡王饗堂三間。門三。飾硃紅油。繪五綵小花。茶飯房三間。碑亭一座。圍牆八十丈。守冢人八戶。固倫公主同貝勒貝子饗堂三間。門一。飾硃紅油。不繪綵。茶飯房

三間。碑一通。圍牆七十丈。守家人六戶。和碩公
主。郡主同。鎮國輔國公。饗堂門制。與貝勒貝子
同。碑一通。圍牆六十丈。守家人四戶。縣主。郡君
同。鎮國輔國將軍。碑一通。圍牆三十五丈。守家
人二戶。民公侯伯。碑一通。圍牆四十丈。守家人
四戶。一二品官制。與鎮國將軍同。三品官。碑一
通。圍牆三十丈。守家人一戶。四品。五品官。同。六
品以下。碑一通。圍牆十有二丈。○又定。瑩前石
像生。民公侯伯。一二品官。皆用石人二。石馬二。
石虎二。石羊二。石望柱二。三品官。減石人。四品

官減石人石羊。五品官減石人石虎。○又定。凡造墳立碑。一二品官病故。禮部題請。如止給半葬。即無碑價。三品以下歿於王事者。禮部始行題請。凡工價銀。旗員由部節慎庫給發。在外直省藩庫給發。○順治十年題准。親王給造墳工價銀五千兩。世子四千兩。郡王三千兩。貝勒二千兩。貝子一千兩。鎮國公五百兩。輔國公同。○又議准。親王至輔國公碑身均高九尺。用交龍首龜趺。親王碑廣三尺八寸七分。首高四尺五寸。趺稱之。世子郡王碑廣三尺八寸。首高三尺。

九寸。跌高四尺三寸。貝勒碑廣三尺七寸三分。
首高三尺六寸。跌高四尺一寸。貝子碑廣三尺
六寸六分。首高三尺四寸。跌高四尺。鎮國公碑
廣三尺六寸三分。首高三尺三寸。跌高三尺九
寸。輔國公同。○又題准。親王給碑價銀三千兩。
世子二千五百兩。郡王二千兩。貝勒千兩。貝子
七百兩。鎮國公四百五十兩。輔國公同。○十八
年議准。民公給造墳工價銀六百五十兩。侯六
百兩。伯五百五十兩。一品官五百兩。二品官四
百兩。三品官三百兩。四品官二百兩。五品至七

品官一百兩。皆給價令其自造。○又題准鎮國將軍給碑價銀五百兩。輔國將軍四百兩。○康熙二年定。官員曾經予諡者。工部差官立碑。○十四年議准。鎮國將軍造墳工價。與一品官同。輔國將軍與二品官同。○又議准。鎮國將軍碑。身高八尺五寸。廣三尺四寸。螭首龜趺。首高三尺。趺高三尺六寸。輔國將軍碑。身高八尺。廣三尺二寸。麒麟首龜趺。首高二尺八寸。趺高三尺四寸。民公侯伯碑。身高九尺。廣三尺六寸。螭首龜趺。首高三尺二寸。趺高三尺八寸。一品官碑。

制與鎮國將軍同。二品官碑制與輔國將軍同。
三品官碑身高七尺五寸。廣三尺。天祿辟邪首
龜趺首高二尺六寸。趺高三尺二寸。四品官至
七品碑皆圓首方趺。四品官碑身高七尺。廣二
尺八寸。首高二尺四寸。趺高三尺。五品官碑身
高六尺五寸。廣二尺六寸。首高二尺二寸。趺高
二尺八寸。六品官碑身高六尺。廣二尺四寸。首
高二尺。趺高二尺六寸。七品官碑身高五尺五
寸。廣二尺二寸。首高一尺八寸。趺高一尺二寸。

○又題准。鎮國將軍碑價銀三百五十兩。輔國

將軍三百兩。予諡大臣停其差官立碑。皆給價令其自立。民公侯伯各四百兩。一品官與鎮國將軍同。二品官與輔國將軍同。三品官二百五十兩。○乾隆四十年議准。鎮國公輔國公造墳工價。入八分公五百兩。未入八分公三百兩。其鎮國將軍以下。給價之例停止。○又議准。鎮國公輔國公碑價。入八分公四百五十兩。未入八分公二百五十兩。其鎮國將軍以下。給價之例停止。○嘉慶十年奉

旨。旗員葬銀碑銀一款。外省均由布政司給發。報部覈

銷惟東三有所屬旗員。例應出具丈領。赴部領回給發。歷來遵辦已久。而吉林一處。自嘉慶七年。起該將軍於旗員應得葬銀碑銀。准禮部原題。即由本處給發。報部請銷。經該部覈與應給銀數相符。未經議駁。即予准銷。所辦均屬非是。各部相沿例案。總宜遵循舊章。不得妄自更改。吉林旗員葬銀碑銀。該將軍於接到禮部原題時。自應查照向例辦理。如以赴部領給較多跋涉。即應據實奏明。請由本處動支。俟旨遵行。乃輒自行給發。迹近專擅。秀林著交部議處。工部於該將軍報銷時。既覈與成例不符。自當駁令赴部

請領。亦不應率准支銷。所有原議准銷各案之工部堂司官著查明文部察議。至此項銀兩。各省既由布政司給發。何以東三省所屬之員。獨令遠涉京師。赴部具領。不特稽延時日。且往來亦免需費。亦非所以示體恤。嗣後盛京吉林黑龍江各處旗員。應得葬銀。碑銀。均著改由本處給發。報部覈銷。以歸畫一。○道光二十四年定。親王瑩制。饗堂五間。親王世子至輔國公皆三間。親王。親王世子。郡王。門三。貝勒以下門一。親王繪五綵。飾以金。覆以綠琉璃瓦。親王世子。郡王。止繪五綵。皆覆以綠琉璃瓦。

貝勒以下施朱不繪。用甌瓦。親王墳圍周百丈。親王世子郡王八十丈。貝勒貝子七十丈。鎮國輔國公六十丈。鎮國輔國將軍三十五丈。奉國奉恩將軍均三十丈。又定民公侯伯墳圍牆一面各二十度共八十度。四戶看守。一品二品官員墳圍牆一面各十七度半共七十度。二戶看守。六品官員以下有頂戴官員以上墳圍牆一面六度共二十四度。庶民墳圍牆一面四度共十六度。六品以下官庶民以上看墳不過二人。又定一品官塋地九十步。墳高一丈六尺。

二品官塋地八十步。墳高一丈四尺。三品官塋地七十步。墳高一丈二尺。以上石獸並六。四品官塋地六十步。墳高一丈。五品官塋地五十步。墳高八尺。以上石獸並四。六品官塋地四十步。七品官塋地三十步。墳高六尺。以上發步。皆自塋心數至邊。五品以上。許用碑。龜趺螭首。六品以下。許用碣。方趺圓首。庶人塋地九步。穿心十八步。止用壙銘。

欽定大清會典事例卷九百五十

工部

防護

古昔陵廟

祠墓

古昔陵廟。○順天府屬昌平州境內。有明成祖
仁宗宣宗英宗憲宗孝宗武宗世宗穆宗神宗
光宗熹宗懷宗陵。涿州境內。有後漢昭烈帝廟。
房山縣境內。有金太祖世宗陵。○直隸省保定
府屬望都縣境內。有堯母陵。堯母陵並見山東
濮州均設防護
帝堯廟。高陽縣境內。有顓頊高陽氏廟。順德府
屬唐山縣境內。有帝堯廟。廣平府屬清河縣境

內有東漢孝德皇陵大名府屬南樂縣境內有

倉帝史皇氏陵廟

倉帝陵並見河南省祥符虞城兩縣均設防護

趙州

直隸州屬柏鄉縣境內有東漢光武帝廟臨城

縣境內有漢高祖廟○山東省濟南府屬歷城

縣境內有帝舜廟泰安府屬東平州境內有帝

堯陵

謹案帝堯陵原定東平州祭乾隆二年議准改祭於濮州

兗州府屬曲

阜縣境內有少昊金天氏陵汶上縣境內有夏

王大禹廟沂州府屬郯城縣境內有夏王大禹

廟曹州府屬菏泽縣境內有帝堯廟帝舜廟曹

縣境內有商王成湯廟濮州境內有堯母陵帝

堯陵

帝堯陵並見東平州及山西省臨汾縣均設防護

東昌府屬聊城

縣境內有顓頊高陽氏廟○山西省平陽府屬

臨汾縣境內有帝堯帝舜大禹廟帝堯陵曲沃

縣境內有黃帝軒轅氏廟蒲州府屬永濟縣境

內有帝舜廟娥皇女英廟滎河縣境內有商王

成湯陵

成湯陵並見安徽省亳州市均設防護

潞安府屬長治縣境

內有炎帝神農氏廟夏王大禹廟澤州府屬高

平縣境內有炎帝神農氏廟朔平府屬右玉縣

境內有北魏孝文帝陵保德直隸州屬河曲縣

境內有夏王大禹廟霍州直隸州屬趙城縣境

內有女媧氏陵廟。解州直隸州屬安邑縣境內。

有帝舜陵。夏縣境內。有夏王大禹廟。及夏后氏

一代陵寢。絳州直隸州屬聞喜縣境內。有姜嫄

陵。

姜嫄陵並見陝西省武功縣均設防護。

絳縣境內。有姜嫄廟。稷

山縣境內。有后稷陵。河津縣境內。有夏王大禹

廟。○河南省。開封府屬祥符縣境內。有古倉帝

陵。夏王大禹廟。鄭州境內。有五代周世宗陵。陳

州府屬淮甯縣境內。有太昊伏羲氏陵。西華縣

境內。有商高宗陵。太康縣境內。有夏太康少康

陵。周平王陵。歸德府屬虞城縣境內。有古倉帝

陵。柘城縣境內有古朱襄氏廟。彰德府屬安陽

縣境內有帝堯廟。商王成湯廟。湯陰縣境內有

周文王廟。內黃縣境內有商中宗陵。衛輝府屬

獲嘉縣境內有周武王廟。滑縣境內有顓頊高

陽氏帝。高辛氏陵廟。

高辛氏陵並見陝西懷
省鄧陽縣均設防護

慶府屬修武縣境內有商王成湯廟。東漢獻帝

陵。武陟縣境內有商王成湯廟。河南府屬鞏縣

境內有宋宣祖。太祖。太宗。真宗。仁宗。英宗。神宗。

哲宗陵。孟津縣境內有東漢光武帝陵。新安縣

境內有商王成湯廟。後唐莊宗陵。澠池縣境內。

有周桓王陵。南陽府屬新野縣境內。有東漢光武帝廟。後漢昭烈帝廟。許州直隸州屬臨潁縣境內。有商高宗廟。陝州直隸州屬閿鄉縣境內。有黃帝軒轅氏廟。○江蘇省江甯府屬上元縣境內。有晉元帝明帝成帝穆帝康帝哀帝簡文帝。孝武帝安帝恭帝陵。宋武帝文帝明帝陵。陳高祖文帝陵。明太祖陵。歷代帝王伏羲神農軒轅少昊顓頊帝嚳帝堯帝舜夏王禹商王湯周武王。漢高祖。光武。唐太宗。宋太祖。元太祖廟。常州府屬武進縣境內。有齊高帝及昭皇后陵。鎮

江府屬丹徒縣境內。有宋孝穆帝陵。章皇太后陵。丹陽縣境內。有齊宣帝武帝。景帝。明帝陵。梁文帝。武帝。簡文帝陵。揚州府屬江都縣境內。有夏王大禹廟。甘泉縣境內。有盤古氏廟。○安徽省。潁州府屬亳州境內。有商王成湯陵。○浙江省。紹興府屬山陰縣境內。有古倉帝廟。夏王大禹廟。會稽縣境內。有夏王大禹陵。宋隆祐太后陵。徽宗及鄭后橫宮。顯仁韋后憲節邢后橫宮。高宗。孝宗。光宗。甯宗。理宗。度宗陵。○湖北省。漢陽府屬漢陽縣境內。有夏王大禹廟。安陸府屬

鍾祥縣境內有明興獻帝陵襄陽府屬襄陽縣

境內有夏王大禹廟○湖南省長沙府屬湘陰

縣境內有虞帝二妃陵廟女英陵並見陝西商州均設防護衡

州府屬邳縣境內有炎帝神農氏陵廟永州府

屬甯遠縣境內有帝舜陵廟帝舜陵並見山西安邑縣均設防護

○陝西省西安府屬長安縣境內有周穆王

陵咸甯縣境內有秦二世陵漢文帝宣帝陵薄

太后衛皇后陵唐穆宗韋后宣宗憲后陵懿宗

王后安陵王后壽陵咸陽縣境內有周文王武

王成王康王共王陵漢高祖惠帝昭帝元帝成

帝哀帝平帝陵。興平縣境內。有漢武帝陵。臨潼

縣境內。有周幽王秦始皇陵。漢太上皇陵。高陵

縣境內。有漢景帝陵。鄠縣境內。有周王季陵。涇

陽縣境內。有唐德宗宣宗陵。三原縣境內。有唐

太祖高祖敬宗武宗陵。渭南縣境內。有北魏孝

武帝陵。富平縣境內。有北魏孝文帝陵。孝文帝並見山

西省右玉縣均設防護北周文帝陵。唐中宗代宗順宗文

宗懿宗陵。醴泉縣境內。有唐太宗陵。廟肅宗陵。

同州府屬郃陽縣境內。有帝嚳高辛氏陵。蒲城

縣境內。有唐睿宗陵。讓皇帝陵。元宗憲宗穆宗



陵鳳翔府屬岐山縣境內有古倉帝廟周太王廟寶雞縣境內有炎帝神農氏廟扶風縣境內有隋高祖文帝陵興安府屬平利縣境內有古女媧氏廟商州直隸州境內有帝舜妃女英陵商元王廟乾州直隸州境內有唐高宗僖宗陵州屬武功縣境內有姜嫄陵廟后稷廟隋煬帝陵唐太宗廟邠州直隸州境內有姜嫄廟后稷太王廟州屬淳化縣境內有漢鉤弋夫人陵鄜州直隸州屬中部縣境內有黃帝軒轅氏陵○甘肅省平涼府屬固原州境內有夏王大禹廟

鞏昌府屬岷州境內有夏王大禹廟。階州直隸州境內有周武王廟。州屬文縣境內有周文王廟。成縣境內有唐高祖廟。秦州直隸州境內有太昊伏羲氏廟。○四川省成都府屬華陽縣境內有後漢昭烈帝陵。○廣東省廣州府屬新會縣境內有宋楊太后金節廟。○廣西省桂林府屬臨桂縣境內有帝舜廟。靈川縣境內有帝堯廟。○順治元年定。昌平州明代十二陵。設內監陵戶。禁止樵牧。○八年

諭。順治元年定。守明帝陵寢及祭典。因神宗與我朝有

嫌故裁之。朕思前朝帝王陵寢。理宜防護。况我朝凡事俱從寬厚。神宗陵著照十二陵例。以時致祭。仍設太監陵戶看守。○康熙二十八年奉

旨。會稽禹陵著地方官修理陵廟。增守護人役。○三十八年覆准。明代孝陵。委江甯地方佐貳官一人。專司修理傾圮。○四十一年

諭。織造官會同地方官。動支公項。修理會稽禹陵。○雍正七年

諭。自古帝王皆有功德於民。雖世代久遠。而敬禮崇奉之心。不當弛懈。其陵寢所在。乃神所憑依。尤當加意

防衛。至於往聖先賢名臣忠烈芳型永作楷模。正氣
長留天壤。其祠宇塋墓亦當恭敬守護。以申仰止之
忱。著各省督撫轉飭各屬將境內所有古昔陵寢祠
墓。勤加巡視防護。稽察務令嚴肅潔淨。以展誠恪。若
有應行修葺之處。著動用本省存公銀。委官辦理。朕
見歷代帝王皆有保護古昔陵寢之飭諭。而究無奉
行之實。朕雍正元年恩詔內。即以修葺歷代帝王陵
寢通行申飭。亦恐有司相沿積習。視為泛常。嗣後著
於每年年底。令該地方官將防護無虞之處。結報督
撫。造冊轉報工部。彙齊奏聞。倘所報不實。一經發覺。

定將該督撫及地方官分別議處。明太祖陵在江甯。昔我

聖祖仁皇帝屢次南巡。皆親臨祭奠。禮數加隆。著江南總督轉飭有司加意防護。其明代十二陵之在昌平州者。自本朝定鼎以來。即設立內監陵戶。給以地畝。令其虔修禋祀。禁止樵採。

聖祖仁皇帝時屢頒諭旨。嚴行申飭。著該督轉飭昌平州知州。昌平營參將。並差委人員。時加巡視。務令地境之內。清淨整齊。儻陵戶或有不敷。著該督酌議加增。此南北明陵二處。亦著該督撫於每年歲底冊報。

工部彙奏○乾隆元年

諭各省前代帝王陵廟均宜嚴肅整齊以展誠恪開湖廣地方炎帝神農氏陵廟殿宇牆垣丹雘合度而帝舜有虞氏陵廟規模窄狹丹青剝落不足以肅觀瞻著該督撫轉飭有司動用公項即行修葺其別處陵廟如有類此者悉令該督撫委官察勘動用存公銀酌量修理務令完整再各陵廟向來未設陵戶無人看守者可酌設幾戶專司灑掃永著為例○又

諭雍正七年

聖考曾降諭旨凡往聖先賢陵墓有應行修葺者令各

該省動用存公銀委官料理。今聞山東之少昊陵。帝堯陵。廟及周公。顏子。曾子。孟子。閔子。仲子。南宮子。各祠廟。迄今數載。尚未興工。殊為怠緩。著山東巡撫。即委官確估。報部興修。務期工程堅固。可垂永久。亦不許委官浮冒侵欺。以致工程草率。○二年議准。帝堯陵在濮州城東南六十里雷澤之東。穀林莊。陵前有饗殿三間。陵南一里有堯母慶都陵。陵東五十餘步有堯妃中山夫人祠。舊設祠田百二十畝。濠地四十畝。州官春秋祭饗。至東平州堯陵。緣自金末黃河屢決。穀林舊址無存。明洪武

聞未經深考。始於東平葺陵建廟以祀。沿譌既久。今不便仍襲前明故事。致祭東平。應令山東巡撫飭該地方官確勘濮州城東穀林舊址。修建饗殿配殿等項。並於陵前設堯母靈臺祠。配以中山夫人。悉如舊制。詳加料估。動項興修。其東平一陵。仍令有司以時展祭。○五年題准直隸省慶都縣今名聖都。係帝堯生長之鄉。向有堯母陵廟。年久坍塌。令該督飭屬動項修理。據實報銷。○六年覆准。舜陵雖在湖南。而故都實在蒲坂。則兩地皆為聖蹟。自應時加修葺。以昭敬禮。

今山西省安邑縣帝舜陵寢年久傾圯守陵之大雲寺亦漸飄搖令該撫動用存公銀立限修整工竣報銷○九年覆准江甯明太祖陵寢戟門圍牆朝房廊廡寶城等處均有坍塌委官勘估即於藩庫存公項內動撥興修○十一年

諭前代帝王陵寢及聖賢忠烈墳墓向來均令修葺防護陝西為自古建都之地陵墓最多有不載在會典內者既無圍牆又無陵戶著交該督撫察明酌築圍牆以禁作踐以資保護○十三年覆准陝西一省古昔帝王陵寢會典開載祭者十有三陵如黃帝

之橋陵。周文王、武王、成王、康王、漢高帝、文帝、宣
帝、魏文帝、唐高祖、太宗、憲宗、宣宗陵。此外周、秦、
漢、唐之陵，尚有數十處。向來俱令地方官防護。
每年造冊報部，而其中多有未築圍牆者。又無
守陵之戶。所云防護，有名無實。但陝省帝王陵
寢較他省為多。而諸王妃嬪亦多塋墓。此次酌
築圍牆，設立陵戶，未可漫無分別。凡古昔帝王
皇后陵寢，並聖賢忠烈，或立德立功立言炳著
史冊者，所有塋墓，令該撫逐細查明，將酌築圍
牆丈尺作法，先行造冊報部，次第辦理。其諸王

妃嬪及先賢忠烈內。雖有善足錄而考其生平
事業未甚表著者。毋庸一概築牆防護。再現在
陵寢有陵前無隙地者。有止數圍築圍牆者。亦
有陵外隙地自數十畝至數十頃不等者。儻不
乘此清釐。日久難免侵佔。而看守陵墓之戶。必
須每歲給有工食。方有責成。應將清出陵外隙
地數目無多者。給附近居民耕種。免其升科。充
為陵戶。其地畝多者。令地方官酌收租息。以為
撥給。並無隙地陵戶工食之用。毋庸動支公項。
仍造具收獲租息並給各陵戶工食清冊。報部

察覈再黃帝文武成康之陵周公太公之墓均
有饗祠年久不免傾圮令該撫將應行修葺之
處照例先行造具估冊咨部委官修葺工竣取
具冊結報銷其將來所收租息除築牆工資陵
戶工食外每年積餘即可為修葺各饗殿及先
賢祠宇之用統於歲終將收支數目造冊報覈
至昔日諸王妃嬪及諸臣之墓雖不在築牆看
守之例仍令地方官留意防護不致湮沒凡先
賢有後裔者聽其自為防護其子孫衰微不能
自築圍牆者亦為築牆防護統於每歲防護冊

內。逐款造冊報部。照例彙入年終具題。○又奏
准。明愍帝陵饗殿牆垣傾圯。令直督轉飭有司
確估工料。動支存公銀量為修葺。○十六年

諭。金朝陵寢。近在房山。歲久榛蕪。未經修葺。朕惟國家
祀典光昭。雖以時遣官將事。而一切饗殿繚垣。儀制
所存。觀瞻宜備。令直隸總督前往相度。有應增修除
治者。即行奏聞。率屬鳩工庀事。工竣之日。朕躬親展
奠。以昭敬禮前朝之意。○又

諭。朕省方問俗。巡幸江甯。蔣山之麓。明太祖陵在焉。
皇祖聖祖仁皇帝南巡時。念其為一代創業之君。

鑾輿屢詣。曠典光昭。朕於駐蹕詰朝。命駕前往。躬申奠
謁。念本朝受命以來。百有餘年。勝國故陵。寢殿依然。
松楸無恙。皆我

祖

宗盛德保全之所致也。令該督撫飭地方官加意保護。
其附近陵地。毋許樵牧往來。致滋踐踏。並曉諭各陵
戶知之。○十七年覆准遵

旨。察勘金陵。量為修葺。金太祖陵地面寬平。重建饗殿。
築圍牆立正門。凡祭臺甬道之傾圯者。如式修
整。金世宗陵饗殿祭臺甬道繚垣。均行增葺。緣

基隘未建正門。前設柵欄。立東西角門二。其原有

世祖章皇帝

聖祖仁皇帝加禮前朝

御製碑文勒石建亭二。敬加修理。以垂不朽。至金陵在崇山之內。距房山北門凡二十里。由周口邨迤北沿途山石。並動撥藩庫存公銀鳩工除治。○二十六年覆准。陝西省中部縣黃帝陵廟。由庫儲陵租銀內支給修理。○二十八年覆准。少昊陵在山東曲阜縣東北二里。其饗殿配殿寶頂

石坊大門繚垣年久坍塌委官確估在於藩庫存公項內動撥興修工竣據實報銷○三十二年覆准江蘇省武進縣齊高帝泰安陵墓動項修葺○又覆准江甯明太祖陵寢正殿戟門龍鳳門宰牲亭等處均有坍塌動用藩庫存公銀如式修整○三十六年覆准會稽禹陵坍塌損之處甚多未易同時修復應酌量緩急分作三年辦理大殿列為緊工饗殿兩廡東西碑房等處次之陵碑亭六角亭各工又次之令浙江巡撫飭屬按限興修分案據實報銷○三十九年覆

准會稽宋孝宗理宗陵廟委官修葺在於藩庫
程費項內支給。○五十年

諭直隸昌平州為前明陵寢之地本朝定鼎後我

世祖章皇帝即命以帝禮改葬思陵並飭工部修葺諸
陵

親臨奠醑並禁止樵採添設陵戶我

皇祖聖祖仁皇帝亦曾

親臨致奠並飭地方官加意防護所以加禮前代者最
為優渥朕此次行幸湯山取道昌平躬詣長陵致奠
見諸陵寢明樓饗殿多有損壞神牌龕案亦遺失無

存。為之慨然。弗忍視。蓋由明代中葉以後。國事廢弛。全不以祖宗為念。於陵寢並未修葺。至末年復經流寇擾亂。亦無人守衛。以致日久傾圮。若其後代之君。果能歲加繕治。整齊完固。逮今不過百有餘年。亦何致頽剝若此。又諸陵前雖建有碑座。均未鐫勒。未審彼時是何意見。今親臨奠醑。周覽之下。深為軫惻。自應重加葺治。增設龕位。俾臻完備。再我朝開創之初。睿親王以我師克取遼東時。明之君臣惑於形家謬說。疑金代陵寢與本朝王氣相關。將房山縣金陵折毀。是以爾時亦將定陵饗殿撤去。停其祭祀。然明樓

寶城。仍存其舊。未壞也。維時我

世祖尚未親政。其事實由睿親王建議。亦非

世祖意也。今國家一統。已歷百數十年。勝朝陵寢。自應一體修復。所有定陵饗殿。著仍行修建。春秋祀事。如故。又明世宗永陵。前因尹嘉銓條奏。將其祭祀裁撤。但前明之亡。不亡於崇禎。而亡於萬曆。天啟。是以於歷代帝王廟中。撤其位祀。而陵寢仍前致祭。明世宗雖溺意齋醮。尚不致如萬曆。天啟之昏庸失德。其陵寢自應照前一體致祭。以昭大公。我國家受

天眷命。

世德顯承於前代陵寢繕完保護禮從其厚此次修復諸明陵殿宇等工即費百萬帑金亦所不靳所有此項工程著派尚書侍郎董率經理務期完固工成後飭該地方官隨時稽察小心防護嚴禁樵蘇用副朕隆禮勝朝之至意欽此遵

旨勘修前明陵寢長陵饗殿九間間有頽損其柱木尚屬堅整並大紅門龍鳳門等處修葺一仍其舊神道前碑亭坍塌因基改砌石欄自獻陵以至德陵均係饗殿五間宮門三間惟永陵饗殿七間制與諸陵不同所有一切殿宇傾圯剝落咸

需量為修理。永陵饗殿亦改建五間。與各陵一律完整。宮門前碑。原未經鐫字。亭已全圯。將舊址悉行除平。各存石碑。定陵饗殿暨宮門頽落尤甚。亦一體修復。思陵舊制狹小。度其地勢。加築月臺。將原有碑亭移建其上。又饗殿三間。改建五間。宮門一間。改建三間。用符體制。至各陵明樓寶頂。配殿兩廡。繚垣均詳估興修。並增設神牌龕案。暖閣地。平。以臻完備。○又覆准陝西省醴泉縣唐太宗昭陵。殿宇牆垣多有坍塌。應加修葺。大門木植頽朽。改建連三甌洞。以圖經

久。五十二年

諭。順治年閒。因明陵附近居民於陵旁樵採。曾奉

諭旨禁止。並添設陵戶看守。數十年來。地方官並未小心稽查。以致殿宇損漏。牆垣敝傾之處甚多。前年朕親臨奠醊。緬懷前蹟。是用惻然。因特發帑金。揀派大臣監督。將各陵重加修葺。茲屆工竣。朕便道親臨閱視。殿宇煥然。松楸如舊。第恐閱時既久。地方官查禁不力。復不免有私行樵採。及殿宇牆垣間被風雨損壞等事。嗣後應交直隸總督責成。霸昌道就近專管稽查。仍於每年十月。著工部屆期奏請派該部堂官

一員前往查勘。如有殿宇牆垣樹株傷損等事。惟該
管道員是問。以示朕加禮勝朝保護舊陵至意。著為
令。○五十三年題准。直隸省望都縣堯母陵廟。帝堯
廟。舊制狹小。寢多坍塌。於乾隆五十二年經直
隸總督奏明。動支藩庫銀量為增建。堯母陵大
殿抱廈大門二門均三間。配殿朝房均六間。寶
頂井亭牌樓各一。角門四。繚垣凡一百五十八
丈五尺。帝堯廟大殿朝房大門二門牌樓悉與
堯母陵廟同。角門二。繚垣計五十九丈六尺。所
有龕案海墁等項。俱如式修造完竣。據實造冊

題銷○五十四年

諭。先因明陵修葺工竣。每年令工部奏派堂官一員前往查勘。茲據奏明陵各處殿宇尚屬整齊潔淨。惟牆垣紅灰及門扇油飾間有脫落。請將霸昌道同興交部議處等語。明陵牆垣門扇灰飾間有脫落。自係風雨損壞。該道未及隨時修理。止須罰令賠修。免其交部議處。嗣後派往查勘之工部堂官。著三年奏派一次。○嘉慶九年

諭。朕親至明成祖長陵酹奠。並遣大臣分詣諸陵行禮。憑眺山陵。彌深殷鑒。敬念

皇考高宗純皇帝特諭重修明帝諸陵。明樓饗殿。規制
煥然。嚴禁樵蘇。松楸無恙。茲朕鑾輅經臨。再申禁例。
著該地方官以時飭令守陵人戶。敬司灑埽。並嚴禁
砍伐樹木。永遠遵奉。毋得懈弛。以副朕恪守

前謨。培護勝國陵寢至意。○二十五年

諭。前明諸帝陵寢。曾奉

皇考高宗純皇帝特諭重修。並

親臨永樂陵。閱視醑奠。朕仰紹

前謨。於嘉慶九年。亦曾躬往申奠。並飭諭地方官嚴禁
樵蘇。時加修葺。本日朕鑾輅經臨。再往致祀。因念宏

治宣德二陵俱列祀典。即與永樂陵一同躬臨奠醑。並閱視榱桷牆垣。規制煥然。松楸亦屬蔥鬱。皆由我朝。

列聖德侔天地。優待勝國。實為從古所未有。我萬世子孫允當恪遵。

成憲。祀事時修。以副祇守。

前徵恩禮前朝之至意。○道光十一年。覆准陝西省西安府屬之咸甯等四十六州縣境內歷代帝王陵寢。先賢名臣祠墓。陸續修葺。陵旁餘地。額徵租銀。除支給該年陵墓廟戶工食外。實存銀兩。

以備各屬修葺陵墓祠之用。○十七年

諭本日朕親至明成祖等五陵酹奠。並遣大臣分詣諸陵行禮。憑眺山林。松楸無恙。敬念

皇祖高宗純皇帝。特諭重修。規模煥若。

皇考仁宗睿皇帝兩次

親臨酹奠。朕仰紹

前謨。特行親祀。凡茲林木蔥鬱。殿宇巍巍。皆由我朝

列聖德侔天地。以時培護所致。朕鑒輅經臨。再申禁例。著該地方官飭令守陵人戶。敬司灑埽。嚴禁砍伐樹木。永遠無懈。用副朕祇守

前徵加護勝國陵寢至意。○咸豐八年

諭。宗晉奏查勘明陵事竣一摺。順天府屬昌平州明代十三陵。經該侍郎徧歷詳查。寶城殿宇等項舊工均尚完固。其牆垣紅灰瓦片間有脫落之處。應由霸昌道陸續黏補。惟樹株未能茂盛。著責成各陵戶加意培護。並著該地方官隨時稽查。嚴禁樵採。以示朕加禮前朝至意。○同治三年

諭。前明太祖陵寢。本朝每歲春秋致祭。並於江甯地方官內專委一人。修理傾圯。設有陵戶加意防護。所以敬禮前代者。極為優渥。咸豐三年賊匪竄陷江甯。曾

據向榮奏稱。明陵饗殿被焚。前因逆燄鴟張。未獲以時展祀。緬懷前朝陵廟。良用惻然。現在紅旗報捷。攻拔名城。地方已臻底定。而兵燹之餘。廟貌傾壞。若非重加繕治。殊不足以肅禋祀而昭優禮。著派曾國荃前往明太祖孝陵致祭。其有應行修葺之處。著曾國藩一面查明情形。迅速奏聞。一面督飭地方官酌量興修。務令完固整齊。用副隆禮勝朝有加無已至意。

○光緒七年

諭。誠端奏明代陵寢有偷鋸樹株開墾地畝情形。並陵內饗殿失去門框等件。現將陵戶交州看押各

摺片。前代陵寢。理應嚴為守護。豈容有偷竊私墾情事。著順天府督飭昌平州。確切根究。嚴行禁止。仍將查辦情形。據實具奏。○又

諭。戶部奏查覈明陵開墾地畝。於陵寢有礙。請旨辦理一摺。昌平州明代陵寢。久經嚴禁侵佔。地方官宜如何認真稽查。加意防護。乃近來宮牆左右開墾地畝。至數頃之多。並已侵佔明堂正路。實屬不成事體。著直隸總督順天府府尹。查照戶部此次所奏章程。分別辦理。其所墾地畝。有在一百步以內者。一概騰出。永遠封禁。並責成該地方官隨時

稽查不准再有墾種情事。用副隆禮勝朝至意。

祠墓。○凡古昔聖賢名臣忠烈祠墓。每歲由該

地方官將防護無誤之處。結報督撫造冊報部

彙題。

謹案古昔祠墓自雍正七年奉
防護。嗣是每歲據各省冊報。有一人而立

數祠。或一人傳二墓。彼此並設防護者。有所在

祠墓現有子孫守視。地方官不設防護者。亦有

子孫自行守視。而地方官仍設防護者。又有登

墓不見紀載。及紀載雖存。而覓訪無蹤。無從防

護者。有防護而屢經兵燹。分年次第修復者。有

防護陵寢。而不及祠墓者。有咨催而冊報仍闕

者。各省不同。○道光三年奏准江蘇省新陽縣

茲不備載。

修葺

孔聖衣冠祠墓。估需銀共一千五百三十六兩零。在

司庫存公銀內動支給辦。工竣覈實驗收。○十一年

諭。訥爾經額奏請動項興修廟工。山東嘉祥縣宗聖曾子廟林年久未修。所有傾頽處所。自應動項修理。共估需工料銀二萬五千二百二十三兩零。准其於廟工生息現存司庫銀內。先行照估給發八成銀兩。其餘二成。俟工程完竣。覈實驗收。如果工堅料實。再行發給。該撫卽飭該縣領銀購辦。以肅觀瞻而昭崇祀。○又定。陝西省西安府屬之咸甯等四十六州縣。歷代帝王陵寢名臣先賢祠墓。陵旁餘地額

徵租銀一千一百五十九兩九錢四釐。連舊管
共銀七千三百八十一兩五錢一分八釐。內除
支給該年陵墓廟戶工食銀四百八十兩。餘備
各屬修葺陵墓祠宇之用。○二十八年

諭。徐澤醇奏審明盜伐

聖林樹株。定擬具奏一摺。已革百戶劉永振。膽敢勾
通判官。將

聖林樹株盜伐。漁利實屬不法。劉永振著發往新疆
充當苦差。遇赦不赦。行聖公孔繁瀨。雖查無袒庇情
事。亦未究出別情。惟事關盜伐。

聖林樹株豈可以尋常疏忽為辭。著交部嚴加議處。所有被伐樹株著仍遵前旨敬謹補種。地方官隨時禁止戕伐。以肅觀瞻而昭慎重。○同治元年

諭前因尼山

聖廟書院及顏母祠等處被匪拆毀。當將行聖公孔繁灝議處。並著譚廷襄查取該管地方官職名。交部議處。茲據王茂蔭奏尼山為

先師發祥之地。聖學攸關。亟宜崇衛等語。郝縣教匪聚衆滋擾。膽敢拆毀尼山廟宇。實屬罪不容誅。尼山距曲阜僅五十里。匪蹤距闕里已近。設有滋擾。更復

成何事體著譚廷襄督飭地方文武妥為防護以昭
崇衛聖學至意○二年

諭閣敬銘奏尼山

聖廟被匪損壞請將奉祀之行聖公議處並自請議
處一摺山東鄒縣尼山一帶逼近教匪巢穴本年五
月間臺被肆擾毀壞廟宇砍伐樹株准襲行聖公孔
祥珂職司奉祀疏於防護著交部議處閣敬銘未能
先事豫防咎亦難辭著一併交部議處該管地方文
武員弁均著查取職名交部議處並著閣敬銘派員
前往敬謹查勘趕緊籌議設法修補以副崇儒重道

至意。○三年

諭。給事中王憲成奏山東曲阜縣

聖廟。請飭敬謹勘修一摺。山東曲阜縣

聖廟。為

先師孔子舊里。自應隨時修葺。以肅觀瞻。著閭敬銘
會同行聖公孔祥珂。即詣曲阜縣

聖廟。將應修各工。敬謹勘估。次第興辦。用副朝廷崇
儒重道至意。○四年

諭。山東曲阜縣

先師林廟。靈爽式憑。觀瞻所繫。同治二年。尼山

聖廟被匪損壞。業經修葺完整。現在東省逆氛未靖。林廟所在。關係匪輕。著山東巡撫督飭地方員弁。妥為防護。衍聖公孔祥珂職司奉祀。亦當率屬認真防守。毋得稍有疏虞。○七年奏准兩江湖廣總督各籌銀二萬兩。山東巡撫在本省籌銀二萬兩。派委妥員。謹將

大成殿九間檐宇及坍塌各工。擇要興修。